

Mr. Semir HADŽIMUSIĆ

Munisa KOVAČEVIĆ, prof.

JU Zavod za zaštitu i korištenje kulturno-historijskog i prirodnog naslijeđa Tuzlanskog kantona, Tuzla

**ZNAČAJ NASLIJEĐA U OČUVANJU IDENTITETA DRŽAVE I
POJEDINCA – POVODOM OBILJEŽAVANJA 35 GODINA OD
OSNIVANJA ZAVODA ZA ZAŠTITU I KORIŠTENJE KULTURNO-
HISTORIJSKOG I PRIRODNOG NASLIJEĐA TK**

/ Izvještaj /



Povodom obilježavanja 35. godina od osnivanja Javne ustanove Zavoda za zaštitu i korištenje kulturno-historijskog i prirodnog naslijeđa Tuzlanskog kantona, u Tuzli je od 3 do 5. decembra upriličena manifestacija *„Značaj naslijeđa u očuvanju identiteta države i pojedinca“*.

U ponedjeljak, 3. decembra u prostorijama Zavoda je organizovana press konferencija i druženje s medijima i gostima. Predstavljen je rad Zavoda, te program manifestacije obilježavanja 35. godina od osnivanja Zavoda.

Foto 1. Najavni plakat manifestacije



Foto 2. Detalj sa press konferencije

Na press konferenciji su se obratili mr. sc. Kemal Nurkić, direktor, mr. sc. Rusmir Djedović, Munisa Kovačević, prof., Merima Žunić i mr. Semir Hadžimusić, stručni saradnici Zavoda. Konferenciji za štampu se odazvao veliki broj printanih i elektronskih medija.



Foto 3. Obraćanje direktora Zavoda na otvaranju Manifestacije

U utorak, 4. decembra u Bosanskom kulturnom centru u Tuzli je upriličeno svečano otvaranje manifestacije, gdje su se obratili: mr. sc. Kemal Nurkić, direktor Zavoda za zaštitu i korištenje kulturno-historijskog i prirodnog naslijeđa TK, Doc. dr. Anita Petrović, predsjednica UO Zavoda i Slavena Vojinović, ministrica za kulturu, sport i mlade TK, koja je ujedno proglasila otvorenom izložbu „Zavod 1983-2018.“, kao i samu manifestaciju.

Nakon toga su dodijeljena posebna priznanja za značajan doprinos u razvoju Zavoda, istraživanju, zaštiti i afirmaciji kulturno-historijskog i prirodnog naslijeđa, a dobitnici su prof. emeritus Salih Kulenović, prof. dr. Mirsad Kunić, prof. dr. Edin Mutapčić, prof. dr. Adib Đozić, mr. sc. Rusmir Djedović i JP RTVTK, dok su zahvalnice za doprinos u očuvanju kulturno-historijskog i prirodnog naslijeđa Tuzlanskog kantona uručene dugogodišnjim saradnicima Zavoda.



Foto 4. Zahvalnica za Ministarstvo za kulturu, sport i mlade TK



Foto 5. Dodjela posebnog priznanja za prof. emeritus Saliha Kulenovića

Svečano otvaranje manifestacije su uveličali učenici Srednje muzičke škole „Čestmir Mirko Dušek“ Tuzla (Melina Šišić na klaviru, iz klase profesorice Nedžmije Omerćehajić, klarinetista Mirza Halilović iz klase profesora Dženana Jusufovića sa korepetitorom profesoricom Darijom Jahić).



Foto 6. Nastup učenika SMŠ „Čestmir Mirko Dušek“ Tuzla

Nakon svečanog dijela održano je Naučno savjetovanje „Značaj naslijeđa u očuvanju identiteta države i pojedinca“, na kojem su učešće uzeli predstavnici Komisije za očuvanje nacionalnih spomenika Bosne i Hercegovine, kao i mnoga eminentna imena struke i nauke, dugogodišnji saradnici i prijatelji Zavoda za zaštitu i korištenje kulturno-historijskog i prirodnog naslijeđa TK. Govorilo se o identitetu i naslijeđu, kao i o istraživanju, zaštiti i korištenju kulturno-historijskog i prirodnog naslijeđa Tuzlanskog kantona i Bosne i Hercegovine.



Foto 7. Detalj sa Naučnog savjetovanja

kulturno-historijskog i prirodnog naslijeđa Tuzlanskog kantona. O časopisu za baštinu, kulturno-historijsko i prirodno naslijeđe „Baština sjeveroistočne Bosne“, broj 1-9., govorio je mr. sc. Rusmir Džedović, stručni saradnik u Zavodu, ediciju „Monumenta Srebrenica. Srebrenica kroz minula stoljeća“ predstavio je prof. dr. Adib Đozić (Filozofski fakultet u Tuzli), a druga izdanja Zavoda (elaborate, zbornike radova i monografije) predstavio je mr. Semir Hadžimusić, stručni saradnik Zavoda.



Foto 10. Promocija izdavačke djelatnosti Zavoda, s lijeva na desno: mr.sc. Rusmir Džedović, prof.dr. Adib Đozić i mr. Semir Hadžimusić

Nakon promocije bogate izdavačke djelatnosti Zavoda, otvorena je nova izložba „Nacionalni spomenici Tuzlanskog kantona“, autorice Munise Kovačević, prof., stručne saradnice Zavoda. U okviru izložbe predstavljeno je svih 49. nacionalnih spomenika BiH koliko ih je do tada proglašeno na Tuzlanskom kantonu. Ovu izložbu je u ime pokrovitelja, otvorio Miralem Mešković, direktor Turističke zajednice Tuzlanskog kantona.



Foto 11. Detalj sa promocije izdavačke djelatnosti Zavoda



Foto 12. Munisa Kovačević i Miralem Mešković na otvaranju izložbe „Nacionalni spomenici TK“



Foto 13. Dodjela zahvalnica Turističkoj zajednici TK i Etno-avliji Mačkovac

Osim ove izložbe, prisutni su mogli pogledati i druge izložbe Zavoda, „Kuća sjeveroistočne Bosne“ i „Steći Tuzlanskog kantona“.

Također, i treći dana manifestacije su upotpunili učenici Srednje muzičke škole „Čestmir Mirko Dušek“ Tuzla (Edmir Begović i Renato Rangl, duo gitara u klasi prof. Elvisa Sivčevića).

Ovim putem JU Zavod za zaštitu i korištenje kulturno-historijskog i prirodnog naslijeđa TK se zahvaljuje svima koji su učestvovali i podržali održavanje ove manifestacije, a posebno pokroviteljima Federalnom ministarstvu obrazovanja i nauke, Ministarstvu za kulturu, sport i mlade TK, Turističkoj zajednici TK, RTVTK i svim medijima koji su izvještavali sa ove manifestacije.

**SIGNIFICANCE OF HERITAGE CONSERVATION IN THE IDENTITY OF THE STATE AND INDIVIDUAL - To mark the 35 years since the establishment Department for protection and use of cultural and historical heritage of Tuzla Canton
/ Report /**